

Na osnovu člana 18. Uputstva o izmjenama i dopunama Uputstva o evidenciji i realizaciji potraživanja građana sa Jedinštenog računa ("Službene novine Federacije BiH", broj 27/98), direktor Agencije za privatizaciju u Federaciji BiH, donosi

UPUTSTVO

O REALIZACIJI POTRAŽIVANJA GRAĐANA PO OSNOVU OSTVARENIH A NEISPLAĆENIH PLAĆA PRIPADNIKA ARMIJE RBiH, HRVATSKOG VIJEĆA OBRANE I POLICIJE PRILIKOM OTKUPA STANOVA NA KOJIMA POSTOJI STANARSKO PRAVO

Član 1.

Do izdavanja izvoda sa Jedinštenog računa građana iz člana 12. Zakona o utvrđivanju i realizaciji potraživanja građana u postupku privatizacije, imaoći "Deviznih vojnih knjižica" kao nosioci stanarskog prava mogu na temelju polaganja ovog dokumenta kod vlasnika stana realizirati svoje potraživanje i zaključiti ugovor o otkupu stana.

Razliku do visine cijene stana imalac "Devizne vojne knjižice" može platiti na način i sredstvima iz čl. 24. do 26. Zakona o prodaji stanova na kojima postoji stanarsko pravo ("Službene novine Federacije BiH", broj 27/97).

Pozitivna razlika sredstava na "Deviznoj vojnoj knjižici" biće knjižena u korist imaoaca ovog dokumenta na Jedinštenom računu građana.

Član 2.

Nadležni pravobranilac nakon provedenog postupka iz člana 29. Zakona o prodaji stanova na kojima postoji stanarsko pravo uz primjerak ugovora koji dostavlja kantonalnoj agenciji dužan priložiti i "Deviznu vojnu knjižicu".

Kantonalna agencija po prijemu dokumenta iz stava 1. ovog člana dužna je bez odlaganja obavijestiti APF koja će o realizovanom potraživanju izvjestiti Zavod za platni promet.

Zavod za platni promet je obavezan registrirati promjenu na Jedinštenom računu građana koji je realizirao potraživanje.

Član 3.

Ovo uputstvo stupa na snagu odmah i biće objavljeno u "Službenim novinama Federacije BiH", a primjenjivaće se do izdavanja prvog izvoda sa Jedinštenog računa građana.